

# Alkitab Buat Bocah Nampilin



Pangeran  
Dari  
Kali



Nyeng nulis: Edward Hughes

Nyeng bikin gambar: M. Maillot; Lazarus  
Alastair Paterson

Nyeng nyocokin: M. Maillot; Sarah S.

Nyeng terjemahin: Matheus Nalih Ungin

Dibikin buat: Bible for Children  
[www.M1914.org](http://www.M1914.org)

©2023 Bible for Children, Inc.

Perijinan: Enté boleh ngegandain atau nyetak ini cerita,  
selama enté kagak ngejualnya.



Perdana menteri Yusuf udah mati.  
Seantero Mesir ikut bekabung  
ama kesedihan keluarganya.  
Allah make Yusuf orang  
Yahudi buat nyelametin


Negara pas waktu  
kelaparan. Ia  
bener-bener  
bijaksana  
ama jadi  
pemimpin nyeng  
disayangin.  
Sekarang udah  
kaga ada.



Dalem tempo tiga ratus taun udahn liwat.  
Orang-orang Yusuf, orang Yahudi, jadi bangsa  
nyeng kuat di Mesir. Firaun nyeng baru ngerasa  
takut kalo orang-orang Yahudi bakalan ngelawan

kekuasaannya,

sebab  
itu ia  
jadiin mereka  
semua jadi  
budak.



Firaun ngasih perlakuan ama mereka sangat buruk. Ia maksa mereka buat ngebangun kota-kota gede. Tapi biar pegimana juga beratnya ia ngasih pekerjaan buat mereka, orang Yahudi maju bekembang.



Satu ari ada perentah nyeng bikin bener-bener takut dari Firaun. "Semua orok nyeng laki-laki Yahudi nyeng baru aja dibranakin kudu dibuang ke kali Nil." Firaun nyeng jahat itu pengen ngurangin jumlah orang Yahudi. Ia juga ngebunuh orok-orok.



"Apa nyeng bisa kita kerjain?" satu keluarga lagi kebingungan. Mereka mutusin buat nganyutin bocahnya di kali Nil. Tapi ia bakal ditarо di dalem kranjang nyeng kaga masuk aer.




Kranjang kecil ngapung disela-sela rumput aer  
ngebawa orang nyeng ada di dalemnya nyeng paling  
beharga. Apa nyeng bakalan terjadi  
ama orok nyeng masih kecil  
itu?



Dari tempat nyeng rada jauh, empok perempuan orok  
itu ngikutin kranjang nyeng ngebawa adenya ngapung  
dan kanyut disela-sela  
rumput aer.



Mendadak bocah perempuan Firaun  
ama pembantunya pegih ke kali mao  
mandi. Kranjangnya kaga bakalan  
ngumpet. Bisa jadi mereka bakal  
jalan dan kaga peduliin.



"Eh ada kranjang. Itu di sela-sela rumput. Aku pengen tau apa sih isinya."

Bocah perempuan Firaun nyuruh pembantunya buat ngambil kranjang itu. Pas ia buka - oroknya mulain nangis. "Bocah Yahudi," tereak Putri mahkota.



"Kesian bocah kecil. Kamu ganteng banget."

Bocah Firaun ngomong sama orok itu kaya ngomong ama orang gede. Bisa jadi ia juga bilang: "waduh ngegemesin" - pake bahasa Mesir udah pasti.



Tuhan udah pasti ngeberkatin empok perempuan orok itu ama kearifan nyeng khusus. Ia lari ke Puteri Firaun. "Mao kaga kamu aku cariin perempuan Yahudi buat ngerawat orok itu buatmu?" "Sono cariin," sautnya. Siapa kira-kira menurut kamu nyeng bakal dipanggil ama anak perempuan itu?



"Emak! Cepetan kemari! Ayo, cepetan!"

Bisa jadi bocah perempuan iitu kaga ada  
waktu buat ngejelasin.


Bareng-bareng,  
mereka bedua lari  
kedagar-dagar  
ke jalan  
setapak.



Kembali ke kali, anak Firaun ngegendong oroknya.  
Rawat orok ini buatku. Bakalan aku bayar. Kasih  
dia nama Musa. Musa dalem bahasa  
Mesir artinya  
anak aer.



Kaya gitu Musa balik lagi ke rumah emak-bapanya. Mereka ngajarin dia pegimana caranya sayang sama Allah ama sesama Yahudi. Kaga lama lagi ia bakal idup di istana bareng-bareng anak perempuan Firaun. Allah, nyeng udah nyelametin jiwanya, punya niat nyeng gede buat orok Musa di masa depan.



Pangeran Dari Kali

Sebuah cerita dari perkataannya Tuhan, Alkitab

Ditemuin di

Keluaran 2

“Palang pintu Firman Engkau ngasih terang.”  
Mazmur 119:130





Tamat



Ini cerita Alkitab nyeng nyeritain kita soal Tuhan kita nyeng kerén, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang bangat sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

